

Ach die schee Fassenacht!

Om letzde Sunndaach beim Stommdisch hawwe merr iwver die Fassenacht geschwätzt. Wie dess so iss, doo erzählt merr immer, wies frieher war, in de Tornhall, im Schitzehof unn aach im Saal vom Herrsch.

Mensch Honnes, sacht de Karl, doo warn merr noch gut druff. Monchmol sinn merr erst om friehe Moin hoom unn gleich uff die Arweit - heit schloof ich schunn um zeh vorm Fernseh oi.

Moont de Schorsch: Unn wie merr uns in de Sektbar erumgedrickt hawwe, josses na, wenn ich doo droo denk, was hawwe merr fern Spass gehabt. Unn gedonzt hawwe merr unn in de Pause uffem Boddem gesotze unn gewart bis die Musik widder oofängt. Heit misst ich merr e Kisse mettnemme unn misst merr beim Uffsteh helfe losse.

De Karl hott genickt: Unn ab unn zu sinn merr Diensdaachs enoigehibbt, sinn uff de Gass erum, mettem Kapottche odder mettem Bettzeich unn all hadde merr Larve uff unn Strohhalm debei, unn hadde unser Leit, wo merr hiegonge sinn unn ze drinke unn ze esse kriecht hawwe.

Ich sach: Ach die schee Fassenacht! Heit kennt ich nimmi hippe, doo det merrs Kreuz weh unn die Knie. Drinke merr ooner uff die alte Zeite, prost!

De Karl hott e bisje traurich geguckt: Prost! Unn heit? Heit gehe merr grad noch uff oo oonzich Sitzung oder uff en Kappeowend im Verein.

Doo sacht de Hubert – dess iss der, der schunn zwonnsisch Johr in Flerschem iss unn immer noch hochdeutsch babbelt –, doo sacht der: Das ist doch recht sonderbar: Ihr drei hängt zusammen wie Pech und Schwefel, doch an Fastnacht geht jeder von euch zu einem anderen Verein auf die Fastnachtssitzung - warum denn das?

Dess war e gut Frooch unn während ich noch iwverleecht habb, was merr dem Hubert doodruff ontworde soll, doo moont aach schunn de Karl: Dess kimmt doodefoo, weil jeder von uns was onnerst seh will. Ich zum Beispill geh gern zum Carneval-Verein, ich habb halt moin Spass on dem Ballett, ich seh die Böppcher gern donze.

Aha, sacht de Hubert, die Böppcher!

De Schorsch hott aach nit long gebraucht ferr soi Antwort: Ich geh gern zur KAB, unn dort kennt ich mich uffschmeiße iwver dess Männerballett, doo kann ich schunn lache, wenn die nor uff die Bien kumme.

Aha, sacht de Hubert, das Ballett!

Unn ich sach: Ich geh gern uff de Senatsowend, weil, ihr kennt merrs glaawe, ich seh gern, wenn die Gadd in ihrne Uniforme uff de Bien iss.

Aha, sacht de Hubert, der Hannes ein Militarist! Und nichts mit Ballett?

Nit gonz, habb ich gesacht. Awwer bei jeder Gadd iss so e Funkemarieche debei unn ich seh halt gern, wenn so e jung, gelenkisch Mäde so mett lwwerschlaach unn Spagat die gonz Bien entlang saust.

Moont de Schorsch: Honnes, was erzählsden doo. So was hawwe die doch beim Nannclub garnit.

Naa, habb ich gegrinst, awwer was nit iss kann joo noch werrn. Was glaabsde was ich fern Spass habb wenn de Willi Lauck emol rufe dut: Marieche - donz!

Eiern Honnes